

Papia 1 Jon da Mandagit

But piso gen

Jon, Yesu dakon paɗdetni kinda da papia on mandagit.

Papia on dakon mibili bamori kisi. Jon uɗun Yesu yolyol amin paɗpulugaɗban Piɗkop Dat gat ae Monji Yesu Kristo gat but kalonɗi egipneɗ do yosok. Ae pilin tuk dakon miɗat aminyo da paɗkilikba Piɗkop dima yipmaɗdetni do yosok.

“Pilin tuk dakon amin kabi” uɗun da gen bamori yaɗ yonɗ: Kinda uɗun on miɗtimon yo toɗ uɗun tagi dima, do Yesu uɗun Piɗkop dakon Monji tam, amin dagaɗek miɗat aminyo nin da ekwamaɗ uɗun da aripmon miɗtimon yo morap gat aripmi dima gadanom. Ae kinda yonɗ uɗun Yesu uɗun asi Piɗkop dakon Monjisi tam aminsi aripmi dima dagaɗban.

Yaɗ yonɗ, amin kinda Piɗkop gat tagisi egip do nandisak kaɗ, miɗtim dakon yo morap do nandak nandak dima asak. Aɗpak kilegi gat ae amin do but dasi galak taɗ yomyom aɗpak uɗun kisi on miɗtim dakon aɗpak, do uɗun do but dima yopni yaɗ yawit.

Jon da Yesu yolyol amin gen uɗun do mirak dimasi yopni do yosok. Yaɗ yosok, Yesu Piɗkop dakon Monjisi da aminsi dagagit, do miɗat aminyo Yesu nandaɗ gadaɗ imiɗek Piɗkop but dasi galak taɗ imiɗek ae amin do but dasi galak taɗ yomiɗ kimotni do yosok.

*Nin teɗteɗi*kon egek pilin tuk dakon amin dakon top geni dima nandaɗ yomneɗ

(Kilapmi 1.1–3.10)

Gen egip egipmi toɗ uɗun nomansi altagit

¹ Nin Gen egip egipmi toj unun do yaŋ teŋteŋok amaŋ. Unun Gen abikisigwan wasok wasogikon kili egipgut da egisak. Nin mirak yopmaŋapno gen yaŋit, ae dabil da kagimaŋ, ae kisit da kwenikon igayigimaŋ. ² Unun egip egip nomansi altaŋban kagimaŋ. Nin unun egip egip dagok dagogi mini do yaŋ teŋteŋok aŋ damamaŋ. Unun Dat gat egipgut da nomansi altaŋban kagimaŋ. ³ Ji nin gat but kalon aŋek egipneŋ do aŋek yo kaŋ nandaŋyo agimaŋ unun do dayamaŋ. Nin Dat gat ae Monji Yesu Kristo gat but kalon aŋek ekwamaŋ. ⁴ Kisik kisiknin da madepsi tugaŋ tosak, yaŋ do gen on mandaŋ damamaŋ.

Teŋteŋikon gin egipneŋ

⁵ Yesu Kristo da gen yaŋban nandagimaŋ unun naŋ gin dayamaŋ. Gen unun yaŋ: Piŋkop unun teŋteŋi. Unudon pilin tukjok kinda dimasi tosoke. ⁶ Nin unun gat but kalon ekwamaŋ yaŋ yaŋek kosit pilin tukgwan agipneŋ kaŋ, nin top yaŋek aŋpak bamisi dima amaŋ. ⁷ Mani iyi teŋteŋikon egisak unun da tilagon teŋteŋikon agipneŋ kaŋ, nin Piŋkop dakon amin kabini gat but kalon amaŋ. Aŋek Monji Yesu dakon yawi da diwarinin kisisi sugaŋban jimjimi minisi amaŋ.

⁸ Nin diwarinin mini yaŋ yomaŋ kaŋ, nin ninbaŋ paŋke-walgamaŋ. Aŋek gen bami ninon dima tosoke. ⁹ Mani diwarinin yaŋkwok aneŋ kaŋ, Piŋkop da yo ak do yaŋit unun akdisak, unun aŋpak kilegikon da diwarinin yopmaŋ nimjak, aŋek aŋpak yokwi morap ninon toj unun wiririkban gwaljigi mini aŋ mudoneŋ.

¹⁰ Piŋkop da nin do yokwi pakpak amin yaŋ yaŋakwan nin diwarinin mini yaŋ yomaŋ kaŋ, unun gen yomaŋ unun

1:1: Jn 1.1

1:2: Jn 1.14

1:4: Jn 16.24

1:5: 1Ti 6.16; Jem 1.17

1:6: 1Jn 2.4

1:8: Kap 32.5; YT 28.13

da Piŋkop uŋun top amin yaŋ iyamaŋ. Aŋek Piŋkop dakon gen butninon diŋa tosoċ.

2

Kristo uŋun paŋpulugoknin

¹ Miŋat monjiyono, yokwi diŋa ani do aŋek papia on mandaŋ damisat. Mani amin kinda yokwi asak kaŋ, amin kilegisi Yesu Kristo da nin paŋgolgol aŋek Dat gen iyisak. ² Yesu iyi diwarinin wiririt dakon paret dagagit. Ae nin do giŋ diŋa, amin morap miŋtimi miŋtimi ekwaŋ uŋun dakon diwarini kisi do agit.

Amin kinda Piŋkop pakyaŋsi nandaŋ imisak uŋun da aŋpakni yoldak

³ Nin Piŋkop dakon gen teban guramiċgamaŋ kaŋ yaŋsi nandamaŋ, nin Piŋkop pakyaŋsi nandaŋ imamaŋ. ⁴ Amin kinda “Nak Piŋkop pakyaŋsi nandaŋ imisat” yaŋ yosok, mani gen tebani diŋa guramiċdak kaŋ, uŋun amin top amin kinda. Gen bami butnikon diŋa tosoċ. ⁵ Mani amin kinda gen tebani guramiċdak kaŋ, uŋun amin da Piŋkop pakyaŋsi but dasi galak taŋ imisak. Yaŋ aŋek egip egipni Piŋkopmonsni taŋakwan egisak. ⁶ Nin egip egipnin Piŋkopmonsni taŋakwan ekwamaŋ yaŋ yoneŋ kaŋ, Kristo da aŋpak agit uŋun aŋ kimotneŋsi.

⁷ Not kabi, on gen teban mandaŋ damisat uŋun kalugi diŋa, uŋun kalipmi. Ji uŋun gen teban nandaŋ gadat si wasaŋek awit bisapmon kili abidawit. Gen kili nandawit uŋun gen teban kalipmi on uŋun giŋ. ⁸ Mani on gen teban mandaŋ damisat uŋun da kalugi yaŋ kinda asak. Piliŋ tuk uŋun pasil do aŋakwan teŋteŋi bamisi uŋun

2:1: Ibr 7.25-26

2:2: Jn 1.29; Kol 1.20; 1Jn 4.10

2:5: Jn 14.21,23

2:7: Jn 13.34; 2Jn 5-6

2:8: Jn 1.9; Ro 13.12

kili yamañdak, do uñun gen teban dakon bami Kristokon tañban komañ, ae jikon yo kisi tañban komañ.

⁹ Amin kinda nak teñteñikon egisat yañ yosak, mani pañmuwukbi notni kinda do nandaban yokwi tok añ imisak kañ, uñun amin pilin tukgwan sigin egisak. ¹⁰ Amin kinda amin do but dasi galak tañ yomisak kañ, uñun teñteñikon egisak. Teñteñikon agakwan yo kinda da aripmi dima kesalban añañjak. ¹¹ Mani amin kinda pañmuwukbi notni kinda do nandaban yokwi tok añ imisak, uñun amin pilin tukgwan egisak. Pilin tuk da dabili sopmak, do unjungwan agek dukwan agisak uñun buri dima pisolok.

¹² Miñat monjiyono, Kristo dakon man do añek Piñkop da yokwisi yopmañ damgut. Uñun do añek on papia mandañ damisat.

¹³ Dat kabi, amin uñun wasok wasogikon egipgut da egisak uñun nandañ imañ. Uñun do añek on papia mandañ damisat. Wili gimoñi, ji Yokwi Ami kili abiñ yipgwit. Uñun do añek on papia mandañ damisat.

¹⁴ Miñat monjiyo, ji Dat pakyañsi nandañ imañ. Uñun do añek on papia mandañ damisat. Dat kabi, amin uñun wasok wasogikon egipgut da egisak uñun nandañ imañ. Uñun do añek on papia mandañ damisat. Wili gimoñi, ji amin tebaisi, ae Piñkop dakon gen ji da buron tebaisi tosok, ae Yokwi Ami kili abiñ yipgwit. Uñun do añek on papia mandañ damisat.

On miktim dakon yo morap do but dasi dima galak toneñ

¹⁵ On miŕtim gat ae yo morap miŕtimon torj uŕun do but dasi dima galak toni. Amin kinda on miŕtim do but dasi galak tarj imisak amin Dat but dasi dima galak tarj imisak. ¹⁶ On miŕtim dakon anpak yokwi morap uŕun Daron da dima abarj. Anpak uŕun yarj yokwi ak do but kindap agak, ae pindak galaktok, ae yo kabini morapmi tarj yomarj uŕun do piŕit tidok anpak. Uŕun kisi on miŕtim dakon anpak. ¹⁷ On miŕtim gat ae galaktok yokwini gat pasuldamal, mani amin kinda Piŕkop dakon galaktok yoljak karj, egip egip dagok dagogi mini egipjak.

Kristo dakon uwalni kili noman tak

¹⁸ Miŕat monjiyono, abisok mibi bisapmon ekwamarj. Kristo dakon uwal uŕun apdisak dakon geni kili nandawit. Abisok uwalni morapmi kili noman tarj, do nin mibi bisapmon ekwamarj yarj nandamarj. ¹⁹ Uŕun amin kabi kalip nin gat egipgumarj da nipmarj kiwit. Mani uŕun nin da kabikon nani dima. Nin da kabikon nani tam nin gat sigin egipnom. Mani kilini kiwit uŕun da nolisak, uŕun nin da kabikon nanisi dima.

²⁰ Mani Telagi Wup kili abidawit, do ji kisisi gen bami nandarj. ²¹ Gen bami dima nandarj yarjon da on gen dima mandarj damisat. Ji gen bami nandarj, ae gen bami da top gen dima paŕalon asak yarj nandarj do anek papia on mandarj damisat. ²² Top amin uŕun namin? Yesu uŕun Kristo, Piŕkop da miŕat amin kabiyoni yokwikon barj timitjak do manjikbi amin dima yarj yosok amin uŕun top amin. Uŕun amin uŕun Kristo dakon uwalni. Uŕun Dat gat ae Monji gat kisi do wasip yosok. ²³ Amin kinda Monji do wasip yosok uŕun Dat do kisi yosok. Mani amin

2:15: Ro 8.7 2:16: Ro 13.14 2:17: Mt 7.21 2:18: Mt 24.5,24;
 2Jn 7 2:19: Ya 20.30 2:20: 1Ko 2.15; 2Ko 1.21; 2Jn 2 2:22: 1Jn
 4.3; 2Jn 7 2:23: Jn 5.23; 1Jn 4.15; 5.1

kinda Monji nandaŋ gadaŋ imisat yaŋ yosok uŋun Datyo kisi nandaŋ gadaŋ imisak.

Telagi Wup da gen bami niyiŋ dekdak

²⁴ Ji nandaŋ gadat wasaŋek awit bisapmon gen nandawit uŋun tebaisi abidoni. Yaŋ ani kaŋ, egip egipji Monji gat Dat garon taŋakwan egipdaŋ. ²⁵ Kristo da egip egip dagok dagogi mini nim do yaŋ teban tok agit.

²⁶ Top gen dayiŋba kosit kilegi yipmaŋ detdaŋ amin dakon mibilni nandani do on papia mandaŋ damisat. ²⁷ Mani Kristo da Telagi Wup kili daban abidawit. Uŋun ji gat sigin egisak, do namin amin da dayiŋdet asak yaŋ do wisik wisik agagi mini. Telagi Wup da iyi yo morap do dayiŋ dekdak. Ae gen morap dayisak uŋun top dima, bamisi baŋ dayisak, do Telagi Wup da dayiŋ dekdak uŋun da aripmon Kristokon gadaŋek egipni.

Nin abisok Piŋkop dakon gwakni kabi ekwamaŋ

²⁸ Miŋat monji kabino, ji Kristokon gadani. Yaŋ aŋakwa abiŋ noman tosak bisapmon nin tebaisi agek iŋamnikon mayaktok dima paneŋ. ²⁹ Kristo uŋun amin kilegisi yaŋsi nandamaŋ, do uŋunyo kisi nandamaŋ, amin morap aŋpak kilegi aŋ uŋun Piŋkop dakon gwakni kabi ekwaŋ.

3

¹ Mao, Dat da nin do but dasi galak taŋ nimisak uŋun madepsi daman. Piŋkop dakon gwakni kabi yaŋsi niyisak. Asi, nin Piŋkop dakon gwakni kabi ekwamaŋ. Miktin amin da Piŋkop dima nandaŋ imgwit, uŋun do aŋek ninyo kisi dima nandaŋ nimaŋ. ² Not kabi, nin abisok Piŋkop dakon gwakni kabi ekwamaŋ, ae don egip egip niaŋ egipdamaŋ uŋun dima nandano pisosok. Mani yaŋ

nandamaŋ, Kristo da abiŋ noman tosak bisapmon Kristo bamisi kokdamaŋ, do nin iyi yombemsi da egipdamaŋ. ³ Amin morap uŋun do nandaŋ teban tajeŋ ekwaŋ amin uŋun Piŋkop da dabilon gwaljiŋi minisi egip do pini aŋ. Yaŋ aŋeŋ Kristo gwaljiŋi minisi egisak uŋun yombem giŋ ekwaŋ. ⁴ Yokwi aŋ amin uŋun Piŋkop dakon gen teban yapmaŋaŋ. Yokwi agak uŋun gen teban yapyap aŋpak. ⁵ Ji nandaŋ, Kristo uŋun diwari wiririt do abiŋ noman tagit, ae iyikon diwarini minisi. ⁶ Amin kinda Kristokon egisak kaŋ yokwi dima asak. Amin kinda yokwi sigin asak kaŋ, uŋun Kristo bamisi dima nandaŋ imisak.

⁷ Miŋat monji kabino, amin da kosit kilegi yipmaŋ detni do top dayikdaŋ do kaŋ kimotni. Amin kinda aŋpak kilegi asak uŋun amin kilegi, Kristo yombem egisak. ⁸ Amin kinda yokwi asak uŋun Sunduk dakon amin, nido wasok wasogikon da Sunduk uŋun yokwi saŋbek saŋbek agit da asak. Piŋkop dakon Monji uŋun Sunduk dakon pi tuwil paŋtasik ak do abiŋ noman tagit. ⁹ Amin kinda Piŋkopmon da altosok uŋun Piŋkop dakon egip egipni uŋun aminon tosoŋ, do yokwi dima aŋ aŋ asak. Piŋkopmon da altaŋbi, do yokwi aripmi dima aŋ aŋ asak. ¹⁰ Piŋkop dakon gwakni kabi ae Sunduk dakon gwakni kabi yaŋon da kokwinigek nandamaŋ. Amin kinda aŋpak kilegi dima asak, uŋun Piŋkop dakon monji dima. Ae amin kinda paŋmuwukbi notni do but dasi dima galak taŋ yomisak, uŋun Piŋkop dakon monji dima.

Yesu da amin do but dasi galak taŋ yomyom dakon aŋpak noligit

(Kilapmi 3.11–5.21)

Nin kalon kalon amin do but dasi galak taŋ yomneŋ

¹¹ Nin Kristo wasarjek nandaŋ gadaŋ imgumaŋ bisapmon gen kili nandagiŋaŋ uŋun yaŋ: Nin kalon kalon paŋmuwukbi notnin do but dasi galak taŋ yomiŋ yomiŋ aneŋ. ¹² Ken da agit uŋudeŋ dima aneŋ. Uŋun Yokwi Ami dakon amin egek paŋige aŋakban kimakgit. Mibili nido aŋakban kimakgit? Iyi dakon aŋpak uŋun yokwi, ae paŋige dakon aŋpak uŋun kilegi, mibili yaŋ do agit. ¹³ Not kabi, miktim amin da nandaba yokwi tok aŋdamni kaŋ, dima wuripdatni.

¹⁴ Nin paŋmuwukbi notnin diwari do but dasi galak taŋ yomamaŋ. Yaŋ amaŋ do aŋek yaŋ nandamaŋ, nin kimot dakon kosit kili yipgumaŋ da egip egip dakon kosit naŋ yolgamaŋ. Amin kinda amin do but dasi dima galak taŋ yomisak uŋun amin kimot da kosiron sigin agisak. ¹⁵ Amin kinda notni do nandaba yokwi tok aŋ imisak kaŋ, uŋun amin uŋun amin dapdap amin kinda. Diŋi nandaŋ, amin dapdap amin uŋun egip egip dagok dagogi mini dima timikgaŋ.

¹⁶ Nin amin do but dasi galak taŋ yomyom dakon aŋpak bamisi uŋun nandamaŋ, nido Yesu uŋun nin paŋpulugok do egip egipni paregek kimakgit. Ae ninyo kisi paŋmuwukbi notnin paŋpulugok do egip egipnin paregek kimotneŋsi. ¹⁷ Mani amin kinda miktim dakon yoni taŋ imiŋakwa notni kinda wadak wadak aŋek egakwan kaŋek bupmi nandaŋ imiŋek dima aŋpulugosak kaŋ, Piŋkop da amin do but dasi galak taŋ yomisak uŋun dakon aŋpak uŋun aminon dima tosok. ¹⁸ Miŋat monjiyono, amin do but dasi galak taŋ yomneŋ uŋun genon daŋin dima yoneŋ, aŋpagon da bamisi aneŋ.

Paŋmuwukbi Piŋkop da dabilon tebaisi atni

3:11: Jn 13.34 **3:12:** WW 4.8 **3:13:** Jn 5.18-19 **3:14:** Jn 5.24
3:15: PA 21.8 **3:16:** Jn 13.1; Gal 1.4 **3:17:** GT 15.7 **3:18:** Jem
 2.15-16

19-20 Nin amin do but dasi galak taŋ yomamaŋ kaŋ yaŋsi nandamaŋ, gen bami yolgamaŋ. Ae butnin da nin paŋkiligek gen yaŋ nimisak kaŋ, Piŋkop da dabilon butnin yawori tosak, nido Piŋkop da yo morap kisi nandaŋ mudosok, ae nandak nandakni da butninon nandak nandak toŋ morap uŋun yapmaŋ mudosok. ²¹ Not kabi, butningwan da nin gwaljigi mini yaŋsi nandamaŋ kaŋ, Piŋkop da dabilon pasol pasoli mini atneŋ. ²² Nin gen tebani yolgamaŋ ae aŋpak aneŋ do galak tosoŋ uŋun amaŋ, do bisiron da yo nido iyamaŋ uŋun nimisak. ²³ Gen tebani uŋun yaŋ: Monji Yesu Kristo nandaŋ gadaŋ imneŋsi, ae iyi niyigit uŋudeŋ gin amin do but dasi galak taŋ yomneŋ. ²⁴ Amin kinda gen tebani guramikdak uŋun amin Piŋkopmon egisak, ae Piŋkop uŋun aminon egisak. Piŋkop da Telagi Wupni nimgut, do nin yaŋsi nandamaŋ, Piŋkop ninon egisak.

4

Ji wup mibili mibili kokwin ani

¹ Not kabi, on miktimon kombi amin toptopmi morapmi ekwaŋ, do amin da abiŋek Piŋkop dakon Wup da gen on nimik yaŋ dayiŋba kaŋ, tepmi dima nandaŋ gadani. Asi, Piŋkop dakon Wup da gen yomik bo dima, yaŋ do paŋkiligek pindatni. ² Piŋkop dakon Wup da pi asak bo dima yaŋon da kaŋ nandaŋyo ani: Amin kinda da Yesu Kristo uŋun aminsi dagagit yaŋ yosak kaŋ, uŋun Piŋkop da yabekdak yaŋ nandaŋ imni. ³ Mani amin kinda Yesu do yaŋ dima yosak kaŋ, uŋun Piŋkop da dima yabekdak, uŋun Kristo dakon uwalni dakon wup da

3:21: Ibr 4.16 3:23: Jn 6.29; 13.34 3:24: 1Jn 4.13 4:1: Mt 7.15;
1Tes 5.21; 1Jn 2.18; 2Jn 7 4:2: 1Ko 12.3 4:3: 1Jn 2.18

yabekdak. Uñun don apdisak yañ kili nandawit. Uñun kili abik da miktimon egisak.

⁴ Miñat monjiyono, ji Piñkop dakon amin kabi ekwañ. Wup jikon egisak uñun da wup yokwi miktim aminon pi asak uñun yapmañdak, do ji kombi amin toptopmi uñun kili pabiñ yopgwit. ⁵ Uñun amin kabi uñun miktimon nani, do gen yoñ uñun miktimon nani bañ yañakwa miktim amin da geni nandañ yomañ. ⁶ Nin Piñkopmon nani. Piñkop nandañ imañ amin uñun da genin nandañ nimañ. Mani amin Piñkopmon nani dima uñun da genin dima nandañ nimañ. Yañon da Wup bami ae wup toptopmi kokwin amañ.

Piñkop do but dasi galak tañ imneñ kañ, amin do yañ gin aneñ

⁷ Not kabi, amin do but dasi galak tañ yomyom añaak uñun Piñkopmon da abisak, do amin do but dasi galak tañ yomneñ. Amin morap amin do but dasi galak tañ yomañ uñun Piñkopmon da altañbi, ae Piñkop nandañ imañ. ⁸ Piñkop uñun but dasi galak tañ yomyom dakon ami, do amin kind aamin do but dasi dima galak tañ yomisak uñun Piñkop dima nandañ imisak. ⁹ Piñkop da iyi dakon Monji kalonji nañ nin da egip egip uñun obakon da abidoneñ do yabekban miktimon pigit. Piñkop yañ añek nin do but dasi galak tañ nimisak uñun noligit. ¹⁰ Amin do but dasi galak tañ yomyom añaak uñun yañ: Nin da Piñkop do galak tañ imgumañ uñun da yo bami dima agit, mani Piñkop da nin do but dasi galak tañ nimineñ Monji yabekban nin dakon diwari wiririt do kimakgit. ¹¹ Not kabi, nin do but dasi galak tañ nimineñ yañsi agit, do nin kalon kalon amin do but dasi galak tañ yomineñ kimotneñsi. ¹² Amin kind a da

Piŋkop dimasi kagit, mani nin amin do but dasi galak taŋ yomneŋ kaŋ, Piŋkop ninon egisak, ae but dasi galak taŋ yomyom anpakni uŋun ninon bamisi tosoŋ.

¹³ Piŋkop da Wupni nimgut, do nin Piŋkopmon ekwamaŋ ae Piŋkop ninon egisak yaŋsi nandamaŋ. ¹⁴ Ae Dat da yo agit uŋun kili kagimaŋ, uŋun Monji yabekban miktim amin kisisi yokwikon baŋ timit do piŋit. Nin uŋun dakon yaŋ teŋteŋok amaŋ. ¹⁵ Amin kinda da Yesu do asi Piŋkop dakon Monji yaŋ yosok amin Piŋkop uŋun aminon egisak, ae uŋun amin Piŋkopmon egisak. ¹⁶ Nin nandamaŋ, Piŋkop da nin do but dasi galak taŋ nimisak, ae nin uŋun dogin nandaŋ gadamaŋ.

Piŋkop uŋun but dasi galak taŋ yomyom anpak dakon ami. Amin kinda but dasi galak taŋ yomyom anpak anjek egisak uŋun amin Piŋkop gat ekwamal, ae Piŋkop uŋun amin gat egisak. ¹⁷ Nin yaŋsi egipneŋ kaŋ, but dasi galak taŋ yomyom dakon anpak ninon bamisi tosak. Nin on miktimon Kristo yombem da ekwamaŋ, do Piŋkop da amin kokwin asak bisapmon pasol pasol dima aneŋ. ¹⁸ Amin kinda amin do pakyaŋsi but dasi galak taŋ yomisak uŋun pasol pasol dima nandisak. Butdasi galak taŋ yomyom dakon anpak egip egipninon bamisi tosak kaŋ, pasol pasol yolban kiŋ mudosak. Kobogi yokwi timitdamaŋ yaŋ do anjek pasol pasol nandamaŋ. Amin kinda pasol pasol nandisak uŋun amin but dasi galak taŋ yomyom dakon anpak egip egipnikon bamisi dima tosoŋ.

¹⁹ Piŋkop da mibiltok nin do but dasi galak taŋ nimgut, do nin amin do but dasi galak taŋ yomamaŋ. ²⁰ Amin kinda “Nak Piŋkop but dasi galak taŋ imisat” yaŋ yosak, mani paŋmuwukbi notni kinda do nandaban yokwi tok animisak kaŋ, uŋun top amin kinda. Amin kinda notni noman pindakdak uŋun but dasi dima galak taŋ yomisak,

uñun amin Piñkop dima kokogi uñun but dasi aripmi dima galak tañ imisak. ²¹ Kristo da gen teban kinda nimgut uñun yañ: Amin kinda Piñkop do but dasi galak tañ imjak kañ, pañmuwukbi notni do yañ ginsi asak.

5

Miktim dakon tapmim abiñ yipmangaman

¹ Amin morap Yesu uñun Kristo, Piñkop da miñat amin kabini yokwikon bañ timitjak do manjikbi amin yañ nandañ gadañ uñun amin Piñkopmon da altañbi. Amin morap dat kinda do but dasi galak tañ imañ uñun miñat monjiyoni kisi do yañ gin nandañ. ² Nin Piñkop but dasi galak tañ imamañ ae gen tebani guramikgamañ kañ nin yañsi nandaneñ, nin Piñkop dakon miñat monjiyoni but dasi galak tañ yomamañ. ³ Piñkop but dasi galak tañ imamañ kañ, nin gen tebani guramitneñ. Ae gen tebani uñun guramit do jigì dima pamañ, ⁴ nido amin morap Piñkopmon da altañbi uñun da miktim dakon tapmim abiñ yipmangañ. Nin nandañ gadatnin do añek emaron teban tañek miktim dakon tapmim abiñ yipmangamañ. ⁵ Namin dasi on miktim dakon tapmim abiñ yipmangdak? Amin Yesu do Piñkop dakon Monji yañsi nandañ gadañ uñun da.

Piñkop Monji dakon gen

⁶ Yesu Kristo uñun abiñek telagi pakbi sogit, ae yawini tilak kindapmon tagalgit. Pakbi gin dima sogit, yawini yo kisi tagalgit. Telagi Wup, gen bami dakon amisi, uñun da Yesu Kristo dakon mibili yañ teñteñok asak. ⁷⁻⁸ Telagi Wup gat ae pakbi gat ae yawi gat uñun kapbi da Yesu Kristo do yañ teñteñanba gen kaloñi asak.

⁹ Amin da gen yon unun nandan gadaman, mani Pin kop da Monji do gen yagit unun da amin dakon gen yapmandak. ¹⁰ Amin kinda Pin kop dakon Monji do nandan gadasak unun Pin kop da gen yagit unun abidanej burikon yipmandak. Mani amin kinda Pin kop da Monji do gen yagit unun nandaban bami dima asak kan, unun amin Pin kop do top amin kinda yan yosok.

¹¹ Pin kop da Monji do yan yagit: Unun da egip egip dagok dagogi mini nimdosi yagit. Unun egip egip dagok dagogi mini Monjikon tosok. ¹² Amin kinda egip egipnikon Pin kop dakon Monji gat kalonji ekwamal unun amin egip egip dagok dagogi mini kili abidagit. Anakwan amin kinda Monji gat kalonji dima ekwamal unun amin egip egip dagok dagogi mini dima abidosok.

Egip egip dagok dagogi mini kili abidagiman yan si nandaney

¹³ Pin kop Monji dakon man do nandan gadan iman amin, ji da egip egip dagok dagogi mini kili abidawit yan nandani do anek gen on mandan damisat. ¹⁴ Do but bamori mini inamikon agek yan si nandaney, nin Pin kop dakon galaktok yolek bisit iyinej kan, bisitnin nandaney nimdisak. ¹⁵ Bisitnin kisi nandaney nimisak yan nandamaney kan, yo nido bisit iyamaney unun abidokdamaney yan si nandaney.

¹⁶ Amin kinda da panmuwukbi notni kinda kanakwan wupni aripmi dima kimotjak da aripmon yokwi kinda asak kan, bisit an iban Pin kop da egip egip imjak. Nak wupji dima kimotni da aripmon yokwi an unun do yosot. Yokwi kinda tosok unun anek wupji wagil kimotdaney. Nak unun do bisit ani do dima yosot. ¹⁷ Anpak morap kilegi dima

amaŋ uŋun kisi yokwi. Mani yokwi diwari uŋun da kimot diŋa aŋalon aŋ.

¹⁸ Nin nandamaŋ, Piŋkopmon da altaŋbi miŋat amin morap uŋun yokwi diŋa aŋ aŋ aŋ. Piŋkop dakon Monji da paŋkutnosok, do Yokwi Ami da ariŋmi diŋa iŋayisak.

¹⁹ Nin nandamaŋ, nin Piŋkop dakon miŋat monjiyoni ekwamaŋ, mani amin diwari morap Yokwi Ami da kilani asak. ²⁰ Nin nandamaŋ, Piŋkop dakon Monji da abiŋ Piŋkop bamisi nandaŋ imneŋ do butnin paban piŋagimaŋ. Nin Piŋkop bamisi gat ae Monji Yesu Kristo gat gadat gadat agimaŋ. Yesu Kristo uŋun Piŋkop bamisi, ae egip egip dagok dagogi mini dakon mibilisi.

²¹ Miŋat monjiyono, ji kokup kidat* da kagikon egipni.

5:18: 1Jn 3.9 * **5:21:** Kokup kidat uŋun Piŋkop yipmaŋek yo ninaŋ egip egipgokon yo madep yaŋ nandisal uŋun da kokup kidatgo asak.

PIŃKOP GEN
The New Testament and Psalms in the Yopno Language of Papua
New Guinea
Nupela Testamen na Buk Song long tokples Yopno long Niugini
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106